

Pemukiman Bagan Datuk fokus isu rakyat



DR. Zambry Abd Kadir ketika hadir pada Mini Karnival YBU @ komuniti Bagan Datuk Sempena Program Pemukiman Daerah Bagan Datuk di Dewan Serbaguna Pekan Hutan Melintang.-Foto NSTP/Abdullah Yusof

RABU, 18 JANUARI 2017 @ 3:50 PM Pemukiman Bagan Datuk fokus isu rakyat Oleh Shaarani Ismail shaarani@bh.com.my DR. Zambry Abd Kadir ketika hadir pada Mini Karnival YBU @ komuniti Bagan Datuk Sempena Program Pemukiman Daerah Bagan Datuk di Dewan Serbaguna Pekan Hutan Melintang.-Foto NSTP/Abdullah Yusof BAGAN DATUK: Program Pemukiman Menteri Besar di Bagan Datuk tahun ini akan memberi tumpuan terhadap usaha membantu rakyat menangani kos sara hidup. Menteri Besar, Datuk Seri Dr Zambry Abd Kadir berkata, antara pendekatan dilaksanakan adalah pengagihan bantuan kotak makanan dan Kedai Bergerak 1Aman Jaya (KB1AJ) bagi membantu rakyat membeli barangan keperluan pada harga lebih murah berbanding pasaran. "Sebagai contoh, kita ada kedai bergerak pada karnival hari ini manakala pemberian kotak makanan dilaksanakan sejak tiga tahun lalu. "Ia adalah pendekatan kreatif dalam usaha mengatasi masalah kos sara hidup yang semakin meningkat," katanya. Beliau berkata demikian kepada pemberita selepas merasmikan Program Mini Karnival Yayasan Bina Upaya (YBU) Bagan Datuk di Dewan JKKK Hutan Melintang di sini, hari ini. Yang hadir sama, Pegawai Daerah Bagan Datuk, Datuk Hamzah Hussin dan barisan EXCO kerajaan negeri. Seramai 300 golongan yang memerlukan menerima sumbangan kotak makanan mengandungi beberapa barangan keperluan asas iaitu beras, gula, minyak dan tepung yang disampaikan Zambry pada majlis itu.